

明覺禪師祖英集卷第六

九六

參學小師文政編

三寶讚并序

子天禧中寓跡靈隱與寶真禪者爲友或遊
或處固以道義相揖投報相襲九六冷冷然自樂

天常之性也一日真公謂子曰愚近偶作三
寶讚三十韻宜請賡唱因披閱加歎率爾而
繼之類触木也俄屬分飛吳楚將二十載殊
不復記憶真公不以事曠誠隔遠遠附僧如
行而至再窺荒斐愧慰多集且夫聖人之立

言也必朕虛必冥奧使文外之士同振古風
垂千萬世又焉知來者及之不及道在其中
也斯之讚辭曾不沾不待但遐仰覺皇宗致
禪徒告而行之得不曲爲序引

佛寶

甘蔗流苗應刹塵覺場高發利生因紫金蓮
捧千輪足白玉毫飛萬德身孤立大方資定
慧等觀含類捨怨親挨星相好中天主市地
名聞出世人螺髮右旋仙島碧月眉斜印海
門新鸞翔鳳舞非殊品象轉龍蟠絕比倫瓔
珞聚中騰瑞色華鬘影裏奪芳春慈儀戀望
知何極梵德言辭莫可陳肯字杳分無量義
頂珠常照百由旬雙林孰謂歸圓寂坐斷乾
坤日見真

法寶

後得智生功德聚大悲留演潤禽魚貫華雖
自科千品標月還歸理一如過量劫應期廣
布剎那心合未忘書四衢道內拋紅燄五欲
波中綻白蕖排斥衆魔登壽域引携諸子上
安車義天星象熒熒也辭海波瀾浩浩歟達

背此恩難拯拔遭逢末世豈躊躇聞來半偈須相教惜去全身莫共居飛辯恨曾虧激問頤幽欣且免長噓生生頂奉輝心鏡廊照塵勞信有餘

僧寶

九六

二

方袍圓頂義何宣續燄千燈豈小緣華雨座前猶滯相虎馴庵畔尚稽詮巖棲塢宿難依望鶴貌雲心迥灑然寶杖夜鳴寒嶠月銅瓶秋漱碧潭煙名標練若澄誼猾跡念昏衢警睡眠林下雅爲方外客人間堪作火中蓮情高不是超三際道在非同入四禪浮世勉誰知逝水深峯甘自聽飛泉苾芻草馥僧祇後玳瑁盂傳古佛先珍重覺皇有真子坤維高步列金田

夏寄辯禪者山房

枕簟雲作屏必固黃金宅軒窓月爲晝宜止虛生白麟龍愧頭角鵬鷁慚羽翮庶擬羣類心在寬如在窄

和錢太博見寄覓山藥

二首

文柄誰持合自持憂民風槩乍清羸禪林草藥如爲效願見皇家急詔時

聖君鴻業在扶持日角龍章固不贏搗藻王堂歸未晚百華開赴御筵時

送錢太博應賢良選

賢才當召試彪炳對吾君千古不遺恨八元

九六

三

應主文岸華明列旆天籟拂微雲後夜觀垂象中台位已分

答天童新和尚

中峯深且寒欹接海邊島松凋不死枝華拆未萌草飛瀑吼蛟宮幽徑分鳥道伊余空寂

徒浮光寄枯槁冥遊天地間誰方可尋討孤
立雲霞外誰方可長保茲來仁者來還稱太
白老荷策扣巖扃重席展懷抱示我商頌清
休誇郢歌好報投慚抒辭難以論嘉藻

和頌

玲瓏巖古寺冠乎明越境海眼通冽泉天心
聳危嶺嘗遊興未闌遐想神忽凝彼士真覺
雄相鄰不孤迥吾愛濟橫流孰云煩慮屏吾
愛整頽綱豈止浮根靜棲梧瑞九苞追風駿
十影顧我不爭衡與誰閑鬪茗乘時旣磊落

照世非昏暝佞性王者師三千統摩頂

贈別太臻禪者

武陵山水何祕邃元化功芳不容易壇曾善

卷韜龍光洞亦桃華副麟趾仍思昔日吾祖
浩浩提綱宗消息曠斷寰宇空又聞高大舜

讓公器祥瑞却生蘆葦叢人由境芳冥道德
境有人芳分玉石臻禪本自偃殊方忽向其
中誕孤跡迢迢海甸來尋我一十二年同冷
坐羽翼搏風今是時拂盡天雲乃飛過

雲門俱字

百草頭何太極重與禪徒下錐刺雲門俱字
好參詳雪峯輶越亦端的黛非青芳藍一色
辰錦砂芳敢言赤紫羅帳裏有真珠曹溪路
上生荆棘還會麼此時若不究根源直向當
來問彌勒

僧問四賓主因而有頌頌之

九六

四

如何是賓中賓云滿面埃塵又曰噫

頌

賓中之賓少喜多瞋丈夫壯志當付何人
如何是賓中主云兆分其五又曰引

頌

賓中之主玄沙猛虎半合半開唯自相許
如何是主中賓云月帶重輪又曰收

頌

主中之賓溫故知新互換相照師子嚙呻
如何是主中主云大千捏聚又曰揭

頌

主中之主正令齊舉長劒倚天誰敢當禦

都頌

賓主分不分顛頽絕異聞解布勞生手寄言

來白雲

令僧把衲

七八既難直須教透來不在前去不在後纏
細自看緊緩相就一日圓成呈似君想得諸

方未知有

送知一入京兼簡清河從事

九六

三九二
五

龍藏

六月千江水似秋片帆高掛岸雲收行行莫
謂朝天闕況倚文星在巨舟

送德珉山主

溪山春色映雲袍愛住隍城意轉高翻笑忘
機自安者不能垂手入塵勞

送僧二首

紅芍藥邊方舞蝶碧梧桐裏正啼鶯離亭不
折依依柳況有春山送又迎
祖域高親日未央家林歸去意何長舊交不

識初相見曾振滄溟奪夜光

送崇已闍歸天台

石橋雲瀑冷相侵蘚徑蘿龕入更深却羨撋
筇遠歸去半千尊者是知音

送遂悟上人之會稽

百越江山冠九州如屏還媿謾相褒惠休此
去多吟賞贏得清風價轉高

送僧四首

乘興飛帆別翠峯水光春靜冷涵空到人若

問曹溪意只報盧能在下風

禪石飛流滅碧莎利生還喜下雲坡途中若

立三千客剔起眉毛不在多

栴檀林裏振金毛四顧清風拂幾遭曾許全

威作雲雨不知何處是塵勞

雲衣輕拂下層巒松檜生風觸神寒誰問親

遊乳峯意百年後與誰看

寄貞外黃君

碧岫層層列杳冥漣漪環繞賁寒青韜藏未

識古君子空仰嘉聲過洞庭

送僧

五色祥麟白月輪乘時應不念離羣松根石
上未歸日誰看暮山飛斷雲

寄劉秀才

遠遠飛來一幅書愈風誠重復何如相逢相

見未期日目斷千山插太虛

送僧

古之別今之別目對春江倚寥次三樹兩樹
啼斷猿千峯萬峯落殘雪華濛濛雨濛濛坤
維步步生清風

聞百舌鳥送僧

九六

曾來芳樹幾回飛煙靄初晴又見伊巧語向
人莫相笑知音知後更誰知

送中座主入廣

船主船中寄惠持雲霞無跡共依依海山見
說多嘉賞莫便因循忘却歸

送隴西秀才入京

國器難藏孰可知携來書劒莫遲遲明年桂籍登文陣奪取龍頭更是誰

送僧

雪殘春島路迢迢水靜雲闊見碧霄別後誰同此深意只應孤月共寥寥九六七

因仰山氣韻頌

四大假合非虛妄罷罷洞洞爲一相東西南北不相知留與衲僧作榜樣

赴翠峯請別靈隱禪師

臨行情緒懶開言提唱宗乘亦是閑珍重導師并海衆不勝依戀向靈山

送僧歸閩

雪老當年曾入嶺真禪今日又思鄉孤帆隱隱曾唯我月照夜濤空渺茫

送僧

春風颭颭華正飛紅霞碧靄籠高低越山日暮少林客應聽子規深夜啼

寄陳悅秀才

水中得火旨何深握草由來不是金莫道莊生解齊物幾人窮極到無心

寄錢塘觀音朋山主

遠念依依闕附書還同秋水淡相於冲雲況是曾無定幾掩寒蟾出太虛

送僧

極目春光水照空岸莎汀草碧茸茸三千里外生靈望獨倚寒藤振祖風

春日示衆二首

門外春將半閑華處處開山童不用折幽鳥自銜來

門外春將半閑華處處開山童曾折後幽鳥

不銜來

寄烏龍長老

雪帶煙雲冷不開相思無復上高臺江山況
是數千里只聽嘉聲動地來

寄太平端和尚

千朵危峯杳靄間石房長帶瀑聲寒鳥啼華
發尋常事松本青青雪裏看

送僧

千峯雨雪時別我情何極不知天地間更有

誰相識

因官人請陞座

曉天雲靜冷涵霜淵檻風清敲夜光莫謂座
間人不識孤明孤影射虛堂

因金鵝和尚語藥病

藥病相治見最難百重關鎖太無端金鵝道者來相訪學海波瀾一夜乾

九六

賦冲雲鷗送僧

側翼雄飛天勢闊電閃星流太輕脫南北東西相對看千里萬里阿喇喇

風旛競辯二首

不是旛兮不是風衲僧於此作流通渡河用
筏尋常事南山燒炭北山紅

不是風旛何處著新開作者曾拈却如今懵
懂癡禪和謾道玄玄爲獨脚

漁父

九六

九

春光冉冉岸煙輕水面無風釣艇橫千尺絲

綸在方寸不知何處得鯢鯨

牧童

嘔啊唱與那嗚咿百草拈來鬪不知日晚騎

牛未歸去指前坡笑又噓噦

送僧

巖房高下折寒梅極目寥寥鴈影回相別相
逢竟何事一聲江上發春雷

寄天童凝

經旬抱疾阻春霖莎砌重重蘚暈侵曾約偕
遊未能得暮山空鎖碧雲深

送僧入城

雲籠碧嶂月籠臺此去城中早晚回不爲佛

光謁韓愈問君何事出山來

病中寄諸化主

雪裏梅華見早春東西南北路行人不知何
處圓蟾夜同念山頭老病身

和于祕丞見召之什二首

民瘼求來吏放閑萬家深夜啓重關齋中既

是清涼國應笑支公別買山

垂垂甘自養衰殘度歲無人到竹關何幸文
星枉嘉什殷勤相喚出層山

和王殿直見寄二首

華野非殊古所難得安閑處未爲安大方無

外誰相到空笑重雲鎖碧巒

清風凜凜字人官堪對彌天釋道安不日歸
朝狎鴛鴦也須音問寄層巒

送僧

澄江依棹碧光流風冷蒹葭雨乍收別夜新

吟許誰約白蘋汀上月凌秋

送僧歸永嘉

韶石曾披此性靈三年孤與急流爭永嘉舊
隱今歸去堪聽海濤中夜聲

兔角拄杖

少室傳來免角杖千聖護持爲頂相虎踞龍蟠勢未休雲影山形冷相向有時閑倚在虛空寥寥市地凝秋霜有時大作師子吼德嶠臨濟何茫茫今日提來還不惜分明普示諸知識解拈天下任橫行高振風規有何極

送從吉禪者

君不見行路難亦容易握手爲金不爲貴難曾平地湧波濶易復到處列祥瑞堪笑堪悲能幾幾天上人間立高軌兄弟十字越參星一義同心淡秋水因憶韶陽古風骨石火電光遲出沒隔身之句是程途扣門之間非窯窟殷勤報君君記取方外周遊看爪距虎狼叢不遇知音剔起眉毛便歸去

寄承天長老

道義相資復是誰巖房深夜思遲遲海山雲

少室傳來免角杖千聖護持爲頂相虎踞龍

蟠勢未休雲影山形冷相向有時閑倚在虛

靜見孤月高照婺城人不知

送僧

古路枝分列洲渚綱弓領弓若爲舉病眼方開忽送人落華驚斷山禽語親禪客親禪客行復行獨步坤維消此情

送因大師

瘦藤清對紫方袍閑步坤維意轉高若到慎江人借問金輪王子是吾曹

送實師弟

天倫曾重意難分爭奈孤蹤若斷雲去去休

同亮禪者西山一入杳無聞

送新茶二首

元化功深陸羽知雨前微露見鎗旗收來獻

佛餘堪惜不寄詩家復寄誰

乘春雀舌占高名龍麝相資笑解醒莫訝山

家少爲送鄭都官謂草中英

賦月生雲際送誠監寺

皎潔離雲鶴夢時孤光還與雪相宜金盃後
夜重垂影拂盡天風不自知

送僧之金華兼簡周屯田

瘦藤輕屢薛衣并路過危峯截杳冥若到金

華拂雲霧不應容易見文星

送僧之永嘉

故園不是阻天涯木光中見獨歸蜃水鄭

江人莫問月分春浪冷依依

寄送凝長老

德不孤兮必有鄰四明留住是因循如今高

步錢塘境只許靈山箇老人

放白鷗

朱冠青戢雪爲毛不近鸞凰意亦高放你雲

林莫回首如今何處是仙曹
喜禪人廻山

別我遊方意未論瓶盂還喜到雲根舊巖房
有安禪石再折松枝拂蘚痕

送僧

七尺巖藤握便行舊山歸去幾多程相逢忽
問迢迢意應發春雷動地聲

送僧歸天童

峩峩太白峯倚翠列霄岸羨君乘興歸凭欄
與誰看

和曾推官示嘉遁之什

九六

士

少微星出古風還市地聲光不掩關三館峻
遷同陌路九華高卧是蓬山巖莎步入祥麟
穩海樹飛來白鳳閣只恐致君休未得蒲輪

重到薛蘿間

經古堰偶作

出城四十里古堰若天外飛棹清淺中孤影
自相對

謝張太保見訪

老病還同葉半凋經旬門掩夜蕭蕭海城都
九六

十三

護曾垂訪一片清風慰寂寥

送宗朴禪者

洞庭乳竇皆泉石抱疾何緣寄幽跡曾列狂
機一二三東山西嶺非相識屈指頗眉不可
尋雲飛雨散空沉沉如今轉覺流年隔強把

冥悰苦搜索縱止言歎白雪辭寧忘笑與黃

梅客朴禪者朴禪者珠月有光慚照夜

送尚辭

浮屠之子履道爲貴天弓地弓何泰何否動

無飾非靜還雕僞辭也云行後生可畏

歌寄留英禪德

當時臨濟辯黃檗或指河南或河北英禪此
日下中峯机案曾焚笑仍則九苞一角慚稱
瑞導月觀星亦非意爭似韶陽振古風半途
未肯還希冀歸去來歸去來飛泉浩浩聲如

雷

送小師元貴

愧爾求師爲吾弟子學雖無聞道亦可擬平
飛辯月照復流水斯意斯言弓如不忘行行
巍巍弓步蘭芷善應殊宗吾不知也思之

送文佶歸廬嶽

春色未深興無遲早瓶謝九江峯尋五老到

日攀蘿獨上時依依莫忘海山腦

送侃禪者之丹丘

石橋多古跡路嶮少人過如同白日闊冷拂

青苔坐寒老若相逢爲吾略嘲破

送寶山主

野水春山風光極目千里萬里太遲太速絕域澄澄豈非犀炬可照希聲杳杳豈非鳳膠可續葉落華開知不知人天景行爲高躅

示衆

丫角女子白頭絲報你諸方作者知借問住山何境界春風颺颺春鳥喧喧翠峯不能助發心印却是他傳

和范監薄二首

吏散簾垂思莫窮山光溪影恣相容誰誇靖節偏裁柳自笑隱居高聽松丹闕尚遙芝檢密訟庭閑列蘚華重巖間野客雖多病終再携筇謁士龍

品彙不自適善政還可尋縣樓清夜上島月

思雲侵誰有古菱華照此真宰心

因香嚴和尚

我有一機禪子須知燦迦羅眼總是膠葛若人借問伏惟伏惟

送雄直歲

罷參還欲勘諸方竿木隨身不易當是則俱行非則俱下翻憶古來興化老主賓用盡力牽羊

爲道日損

三分光陰二早過靈臺一點不揩磨貪生逐日區區去喚不迴頭爭奈何

九六

十五

疏古

我有面鏡到處懸挂凡聖不來誰上誰下訪俞秀才

萬疊雲山未得歸寂寥心許老盧知江城雨

雪書名紙不謁鴻儒更謁誰

再詣

萬卷無書道用歸閑文公也未須知倚天長
劍如重戰更有龍頭復是誰

留遷首座

從龍爲雨復清閑片段依依水石間慚問秋
風欲吹散不能留得覆青山不慚問者
爲我留之

送俞居士歸蜀

何處深棲役夢頻青城拋却數溪雲如今老

大歸難得只寫情懷遠送君

和王殿丞夔栗種之什

纖纖圓實占芳春得自侯門勝楚珍開葉開

華人不會百千年是等閑身

和江橋晚望

公餘縱目望江山萬化窮來因象間聞訛聖

君將下詔未容清淡與僧閑

病起示衆

門掩還同歲月摧石窓經雨積莓苔一牀枕
簟淨名老時見斷雲孤月來

送麻居士

紗帽山儀白苧袍遠披孤頂近吾曹携來七
尺霜前竹劃斷天雲不放高

醉李校書

一回辭我一回吟戀巖叢意轉深翻謝霜
松不凋落與君同有歲寒心

苦熱中懷寄永固山主

火雲高下影相連幾欲披尋恨不前無眼清
風無處問只應遲步繞林泉

送元安禪者

羣峯杳藹留不住遠道依依只藤屢舊隱蘿
龕付與誰寒猿後夜啼高樹

賦病鶴送奉倫禪者

欲飛飛未得冷泊杉松枝如何垂天雲遠遠

同一涯

偶作

列岫霽新雨凭欄只澹交夕陽明遠水秋葉
九六 露空巢思極曾無玷神清未動爻只應千古

意誰得共雲坳

謝鮑學士惠臘茶

叢卉乘春獨讓靈建溪從此振嘉聲使君分

賜深深意曾敵禪曹萬慮清

因遊育王亭寄牧主郎給事

冷翠千萬峯當軒列如黛蒲團及禪板永日

澹相對形雲曾無機燒松亦成蓋遠謝幽隱
情難與台星會

送遇能禪者

湖繞嚴城列象寬萬家臺榭水光寒片帆隱
隱生遙極誰問曹溪意轉難

送覺海大師

秋雲巖葉兩悠悠半逐風馳半水流憑問禪

家有何意不知方外若爲酬

送曾侍禁

冷匣秋波射斗星鐵衣隨從古霜清宣池莫
問當年事一片威風動地生

病起酬如禪德

大明一寸光腐草一何假人命呼吸間誠哉

是言也呼之曾已休吸之尚未舍寄問諸苦
源來者不來者

送雲禪德

古之送人言作懷寶我慚老病困乏辭藻熊
嶺迢迢芳曾立夜雪謝池依依芳笑生春草

頭角麟龍安可論清風步步應相討

送久禪德歸蘭亭

右軍墨池月照我復照誰千里忽相到中峯

多病師

送義大師

巖房抱病經一月門有諸生阻來謁長徃之期猶未能七十之年更何說若耶溪老忽留語溪上舊遊且歸去春風颭颭兮兼斷雲弱柳依依兮帶輕絮古今離恨雖如此動靜於吾亦多意高捱霜筠獨步時音書莫忘遠飛

寄

酬海宗二侍者二首

蓀之得蘭其道匪難扶吾病起如珠在盤一

兮二兮自看誰看

蘭之得蓀其道必存扶吾病起古風入門二

兮一兮論勿論

謝郎給事送建茗

陸羽仙經不易誇詩家珍重寄禪家松根石上春光裏瀑水烹來鬪百華

送山茶上知府郎給事

穀雨前收獻至公不爭春力避芳叢煙開曾入深深塢百萬鎗旗在下風

送郎侍郎致政歸錢塘

貴沽時譽自笑經綸作技能殘葉賦題紅片大九六

片遠山供望碧層層武林到日符嘉遁高訪

巖扃只許僧

山行逢勲禪德

乳巖秋日無他作策杖層層上寥廓四顧有誰分野情一點形雲起深壑蘚石遲遲略輕

跔逢箇衲僧忽驟步頻喚回頭不肯回及至
回弓眉卓豎阿喇喇千里萬里橫該抹咄

送小師元拈

老盧之子四三二一將欲振飛卷比叢室松
凌霜弓運青水帶巖弓流急南北東西雲開

見日

九六

十九

永豐莊新植徑松忽二本鄰偃抒辭紀之

雙偃松何似螺文結數遭清聲雖競發寒影
不相高對客圓分蓋孤禪翠滴袍若教圖畫
得爭奈有蕭搖

送白雲宣長老

郵江秋晚忽成春況有台星作主人去去高
携古刀尺二千年連續芳塵

送親禪者

萬木帶秋聲古今念睽別我有贈行意臨行

爲君說重巖休滯雲遠水且觀月生生知不
知天風助清徹

送顯冲禪者

聚散非常準古今亦標格如何無事人還似
未歸客秋風生羣林野水資寒色誰弓謝寸
陰觀彼青山白冲禪行復行五葉待時折

送天童普和尚

迢迢別海涯帆掛杪秋時島樹落寒葉人誰
訪祖師浪闊遊象急天闊過鴻遲早晚歸林
下千徒不共知

張秀才下第

得第何人愧不平道存賴巷亦爲榮應知未
喪斯文也且把新詩樂性情

寄父監收

田中稻熟及時收顆粒圓成免外求一日歸

來古巖上白雲紅樹共悠悠

暮冬夜坐寄岫禪者

碧落無片雲虛庭積深雪負春還有誰徹曙
對孤月巖松影拂翠不斷瀑水聲來聽忽絕
岫禪岫禪知也如未知八面清風遠遠待時

說

寄崇壽懷長老歌

寂住峯兮觸星斗寂住師兮古爲道死中得
活未輕訥不許夜行投曉到藪藪聲光一百
年吾其後兮吾其先振領提綱笑多事掩扉

塞路空依然龍朔老盧同兀兀土爲貌兮金
作骨萬國爭求肯便行我要重新敲鐵佛東
西南北休云識枯槁冥冥頗相憶天外清風
結陣來狂歌遠寄從拋擲

送廷利禪者

九六

三

雪峯孤頂誰家路上兮下兮復何故曾列三
千一半徒我今獨滿當時數鯨鱗鱗龍鱗鱗
坤維高步生清塵休云裴相慕黃檗額有圓
珠七尺身利禪者利禪者倚天長効應牢把
或謂風雲不再來誰爲蒼蒼分晝夜

送悰禪者

涪江怒激鯨鼈宅岌岌三山大傾側冥數俄
然一箇來步武羣方作禪客振聲謂我分綱
宗今兮古兮何忽忽今吾強爲抉辭句句句
字字凜凜生狂風拂散四七單傳之落葉掃

九六

三

蕩二三直指之流蓬似帶微芒敢未勦絕寒
木在握兮全機可笑秋水橫按兮半提可滅
使八極項目者不自爭衡見斯人兮駕御昂

杵

送鼎禪者

落落禪家流携筇卷雲毳別我振辭鋒夜堂

消祖偈鼎禪之句霜天飛一鶴目對彈其滯春岸立千峯指也乎其勢行行復行行清颺起蘭蕙

觀泉送演禪者

雲根漱野泉照空復照月冷聲曾未消飛瀾似相別嚴近生風雷天遙新冰雪演禪乘興知不知源流依依共澄潔

答忠禪者

一字七字三五字萬象窮來不爲據夜深月

白下滄溟搜得驪珠有多許

和陸軫學士夏日見寄

良牧歸詩匠雅風消鬱蒸官清難滯爵吏散

遠同僧棠樹非煙合仙槎碧浪乘因思窮萬化使君早製圓明鑑圓冠之序引或聞或見令人曠達千古更無能

送通判學士歸南國楊

旆擁帆開照德星天風高興國風清武夷仙仗知回也各下祥雲到地迎千里之外應之非此則殊待者也和酬郎簽判殿丞

送化主

春色依依籠遠樹卷衲揩藤躋輕屢塵世茫茫無限人不知誰問曹溪路

送通判劉國博黃中

爲星當貳職權化不相饒白屋如多恨清風何處消岸鷗窺列旆天辟看陞朝別有生靈意寒枝未變條

送別陳祕丞古意

悠悠層山雲斷芳仍復續離離雙岸草蔓芳且兼綠如何苦雪霜後凋蠹松竹松竹有節操雪霜無伎倆敢折歲寒枝贈君作嘉賞行行天地間清風在誰掌

七和酬郎簽判殿丞

向國心存了了身大方無外且同塵江城早
晚重相見解笑宗雷十八人

歌送范陽盧君兼簡華嚴昱大師

范陽居士來鄧水動地仙飈向人起乳峯直

上雲霞開步驟天衢到如此茫茫塵世誰知

交當場問我非相饒禪家畢竟無他事古雪
巖前曾未消俄然悵望辭叢室荷負難兮淚
深溢遠幸流方且莫論再得從容又何日迢
迢故國殊存想冷碧柯山分指掌況有覺雄

遺恨空悠悠君又不見魏子小桂生寒翠一
華對雪開無休微禪亦並聯芳駕德星文星
仰肅灑物外情深不等閑環中趣別非輕捨
相訪從容爲我言屈指多求更何者

送懷秀禪者

華藏師歸去百城共遊賞

送廣教專使

峩峩石頭使乎讓祖已之匪存聖之奚慕或
妄以山或索云斧音耗不通兮清源派分吾
斯語兮詎可論古

送微文章

雙蓮亭上送行客齒苔清香散秋色野興斷
山雲片高孤影澄江月華白希聲險絕堪誰
知大道機存曾未可縱闊天常立下風安教
類變叢流火君不見梁兮閩國難滯留千古

麻衣草座思靈徹一食安閑更無別倏忽遷
流數百年杳杳誰來繼其絕吾兮亦是踈慵
輩冷澹身心存慷慨偶續靈峯照夜燈遽泛
鐵船下滄海深嗟知困不知休奔馳駭浪空
淹留縱得長鼇擬何待堪白頭時好白頭因

觀壞衲秀禪客清苦如冰復如檗別我携筇
步大方爲葉爲華恣披折伏枕寥寥情意闌
率寫狂歌贈行色

孤運銘

雲根石壙容身待老南來北來閑且尋討五
葉一華芳堪對誰寥寥萬古空知有

寄海會之長老

百華開後一華開風遞清香遠遠來誰問黃
梅不平事照中依舊惹塵埃

雜言送賢專使

使乎誰老作者百戰場中飛鐵馬秋水藏來
人不知笑李將軍被擒下阿呵呵却歸湖山

唱凱歌

歌紀四明汪君信士

古君子兮道諸已道器用兮合天理同塵還

若待時生觀象不知何處起荆叢叢龍裹我叢
叢孝兮悌兮非止中聚應落落滴仙露散或
泠泠揚士風風之上兮風之下近一指兮遠
一馬秋水澹交無限情夜光照乘胡爲者伊
予匪謂存餘力詠高義兮因脣巴歌百字
嚴葉書飛寄汪門舊知識

送仲卿禪德

高芳竺卿秋水虛明夫何之象堪云指程知
吾不知笑理出情謂宣撫掌爾伽耶城

真州資福禪院新鑄鐘銘并序

九六

三十四

國朝紫微舍人趙公丙戌年出鎮姑蘇裁情
示空巖之客所恨不能効善財展轉南方以
求先覺如別幅敘雲嶽長老令僧惠敏造鍾
既成勸重樓以簾之欲爲銘記且言當使學
者有所警悟槩也縱能道其歸禪人惡肯信

惟師爲善知識行重名當代願爲此銘因機垂化不亦美乎然重顯固陋荷大君子外獎

敢不從命輒復引寄夫形聲未先曠默奚准

器用之後幽靈絕常故聖人以鍾爲大惟聖人則之襲芳忘芳求以深矣其能具諸種智

對飛雄辯但未兼極有生權化之來未易窮

也感通傳稱昔拘留孫於乾竺造青石鍾如青玉色可容十斛頂類諸天腹陷衆寶八角四面華光互分有化如來與日偕出明宣祕演或聞不聞王舍城中大千界內匪同鐸錚

者乎今獄禪老於淮甸造青銅鍾如青珠色過百鈞之用上旋旁植繞獸蹲熊其或層城晝閑祇園夜永寥寥霜月射寒影以爭輝殷殷地雷發虛音而交振師之唱險資之繼難寅夕鏗鏗主伴索索足使一鱗半甲無違真

化之方二聽五觀有寄神遊之域善存殊應扣惟良哉謹爲銘曰

淮之要衝 真之會府 中列梵摩 居我禪祖

衆徒駢羅 慧敏千櫓 爰構鯨音 息彼輪苦

峻橫崇臺 金飛碧回 斯門屢掩 向人或開

希芳微芳 乍延乍催 先聞未及 後時不來

增悲遐宣 無因天理 帶識萬端 警悟齊起

遵晦陟明 其母得子 麽麽訪誰 利剎問已

大緣斯成 大功不寧 君奉禹湯 臣仰元凱

碑勒紺園 銘寡文彩 庶期妙峯 永聳滄海

明覺禪師祖英集卷第六

九六

三六

明州雪竇山資聖寺第六祖明覺大師塔銘

尚書慶夏外郎直祕閣兼充美館檢討賜號榮祿三等勳臣

夫真空不空是有無證寂滅不滅是往來相
佛以權實一法開頓漸之徑使隨器而趨之
有不離道場得大智慧有難行苦行爲人天
業日月爲明矣而盲者不見睫毛舟檝可濟
矣而溺者淪於波浪人之未有惡明而忘濟
者其心一也其途異矣昆蟲之性羣行食啄
倦則息觸則避求所以安樂不待教而能也
人之於貴賤貧富壽夭得喪不知自然之分
愛惡悲欣廉貞靜躁糾纏桎梏無所解脫晝
勞形骸夜動夢寐至于老死且不知息彼昆
蟲知所以安樂人顧不能也佛之教人推性
命之際以極天地之外乃至觀身如掌中物
傳付法寶不寓文字是謂禪那山嶽之大有

時而泐金石之剛有時而利形器之用也我
則異於是無去無住無取無離不見于內不
見于外不見中間自利義也利他仁也是謂
涅槃妙心諸佛法印無上微妙秘密圓明真
實正法眼藏佛以授摩訶迦葉傳僧伽梨衣
以待補處出世爲成道之符自是衣法相傳
二十有七世香至王子初入中國諡曰圓覺
龍潭德山雪峯雲門香林智門其世次也禪
圓覺傳大祖大祖傳鑑智鑑智傳大醫大醫
傳大滿大滿傳大鑑大鑑藏衣傳法而已大
慧繼之大寂承之其後皆以所居稱若天皇
龍潭德山雪峯雲門香林智門其世次也禪
師諱重顯字隱之大寂九世之孫智門之法
嗣也俗姓李氏母文氏以太平興國五年四
月八日生大師於遂州始生瞑目若寐三日
既浴乃豁然而寤屏去葷血不習戲弄七歲

有僧過其門挽持袈裟喜不自勝聞梵唄之聲輒泣下父母問其故懇請出家父母孰不可師不食者累日咸平中終父母喪詣益州普安院仁銑師落髮爲弟子大慈寺僧元瑩講定慧圓覺疏師執卷質問大義至心本是佛由念起而漂沉伺夜入室請益復數四瑩不能屈乃拱手稱謝曰子非滯教者吾聞南方有得諸佛清淨法眼者子其從之彼待子之求也久矣師於是東出襄陽至石門聰禪師之席居三歲機緣不諳聽之曰此事非思量分別所解隨州智門祚禪師子之師也師乃徒錫而詣之一夕問祚曰古人不起一念云何有過祚招師前席師攝衣趨進祚以拂子擊之師未曉其旨祚曰解麼師擬答次祚又擊之師由是頓悟尋往廬山林禪師

道場問之曰法爾不爾云何指南林曰只爲法爾不爾師遂拂衣而退衆皆股栗有毀於林者林諭衆曰此如來廣大三昧也非汝等輩以取捨心可了別也師辭往池州景德寺爲首座爲衆解肇法師般若論知州曾公會以果子抵于地曰古人云不離當處常湛然即今在何許師指景德長老曰只此長老亦不知落處曾公云上座知也不得無過師曰明眼人難瞞師南遊杭州住持蘇州洞庭翠峯嗣智門也未幾曾公出守明州手疏請師住持雪竇資聖蘇人固留不可師曰出家人止如孤鶴翹松去若片雲過頂何彼此之有雪竇本智覺禪師道場智覺亦雪峯五世孫備傳琛琛傳益益傳韶而壽繼之智覺其號也一法同源而地有盈虛師之至猶家焉決

潢汙變清泚挾覽偃爭迅馳州邦遠近輻輳
座下駙馬都尉和文李公表錫紫方袍侍中
賈公又奏加明覺之號師住持三十一載度
僧七十八人先是門弟子建壽塔於寺之西
南五百餘步九六一日命侍者灑掃塔亭行至山

椒歷覽父之曰自今過此何日復至左右皆
大驚衆迎師還師堅指塔所衆皆號泣隨至
塔前或曰師無頌辭世耶師曰吾平生患語
之多矣翌日出杖屨衣盂散遺其徒有問疾
者留食殷勤與之約曰七月七日復來相見
其夜盥浴整衣側卧而滅時皇祐四年六月
十日俗壽七十三僧臘五十夏以七月初六
日入塔如師之約嗚呼師得妙用善機不取
諸法能知去來達性命故方是時陞堂皇遊
牆藩者悟性相體空頓息萬緣爲大乘法器

曰義懷在和凡百五十人傳其法於天下彼
遮護意根網絆初心背覺合塵逐念流徙得
少爲多妄立知見雖三詣投子九陟洞山師
亦援手濡足而無以救之是猶孔子之有宰
我孟子之有益成括非其師之過也自師出

世門人惟益文軫圓應文政遠塵允誠子環
相與哀記提唱語句詩頌爲洞庭語錄雪竇
開堂錄瀑泉集祖英集頌古集拈古集雪竇
後錄凡七集師患語之多而其徒愴然猶以
爲編擣有遺蓋利他之謂也余得其書而讀
之二十餘年雖瞻仰高行而祿利所繫無由
親近使得稽首避席霑膺法雨覺悟塵勞庶
幾可教者今蔑如之何師辭世十有三年碑
表未立餘杭僧惠思撰行業錄與其徒元圭
覺濟大師悟朋繼踵衷文請銘以予跋慕之

心重之以門人之請之勤抑有待耶愚公叩
壤以移山雖不量力其誠則至矣謹焚香再
拜繫之以銘曰

噫惄愚 背本源 一念異 生二根
勝與劣 駟馬奔 嗜所得 自詐護
失大道 南北轍 艾至老 愉朝昏
正徧覺 人天尊 迷者挽 窺者掀
朝暾出 菩羅雲 渴得漿 寒得薪
悟報化 知非真 趣安隱 擺客塵
王叔生 廣佛事 破六宗 應彈指
法來東 非會際 信衣傳 隻履逝
頂五山 真法器 立積雪 殊其臂
忍非忍 得法體 債必償 有裔嗣
皖公潛 佛日翳 翩南遊 立如橘
乞解脫 疊哉慧 擬蜂蠭 神獄衛

破頭峯 衆雲從 橫六氣 醞二宗
教任意 任懶融 黃梅兒 陌上童
關七相 了諸空 聖服勞 杵臼傭
和心偈 挈爭鋒 夜南驚 懷是逢
帝稽首 睞下風 舟復新 葉歸叢
有道得 無心通 世有承 四衆依
燈相續 墳應簾 師異稟 自孩提
斥腴雋 踏聖梯 慈固拒 不得施
起恭孝 終苴縗 銑落髮 穎質疑
九六 漢之東 得我師 扶盲贖 枝荒苗
昔無有 今委蛇 遇霧洽 發萌荑
淫鳴鳴 鐘未簷 魚目藏 明珠吐
歸二山 下檐聚 來萬里 足蘭蹊
飼春雷 披蟄戶 辨縛解 決去住
沃醍醐 斛甘露 百五十 胄蕃廡

窮車轍	誦句語	瞻骨目	軸繪素
遠胡越	近杖屨	捐麤相	悉開悟
山茀鬱	泉呻幽	虎跡交	麒麟啾
塔門闕	松栢樛	天南垂	海彪彪
囊破褐	笈單裯	來環繞	五體投
名彊身	祿飽喉	甘鮑鱠	三
睨真乘	狃真乘	辯薰蕕	
蘄誘掖	邈無由	瑑堅石	
治平二年乙巳歲二月五日	據我憂		

音釋

熾	子賤切	水	擣	章移切	力	董
激灑也			搘	挂也	効	他
勿	草	勿	嬖	嬖	効	孔颯
音	生	如	嬖	嬖	効	
宗	貌	容	嬖	嬖	効	
二音	尤	切	嬖	嬖	効	
音	房	勿	嬖	嬖	効	
水	尤	勿	嬖	嬖	効	
名	房	勿	嬖	嬖	効	
金	鋸	勿	嬖	嬖	効	
聲	初	勿	嬖	嬖	効	
姑	耕	勿	嬖	嬖	効	
姑	即	勿	嬖	嬖	効	
沃	涉	勿	嬖	嬖	効	
切	目	勿	嬖	嬖	効	
械	涉	勿	嬖	嬖	効	
也	公	勿	嬖	嬖	効	
股	上	勿	嬖	嬖	効	
切	碑	勿	嬖	嬖	効	